

重脩浙江通志稿

第四十七冊上
著述

一、本報自創刊以來，承蒙各界人士之愛護，不勝感荷。茲為擴大宣傳，特在各地設立分銷處，以便讀者隨時購閱。凡欲訂閱者，請逕向各分銷處接洽，或逕向本報總發行所函購均可。本報宗旨，在於報導事實，傳播知識，以服務社會為己任。凡有關於社會公益之消息，或學術研究之成果，均歡迎投稿。本報對於稿件之採擇，務求公正客觀，絕不偏袒任何一方。凡有關於本報之建議或批評，亦歡迎隨時提出。本報將竭誠歡迎，並努力改進，以期達到社會大眾之期望。此致，各界人士。本報總發行所 謹啟

重脩浙江通志稿

第四十七冊上

著述

紹興經籍集部

漢侍御史虞翻集二卷

吳虞翻撰 以下列集類

案翻有周易注已載經部易類隋書經籍志翻集二卷梁三卷錄一卷
駱統集十卷 吳駱統撰 以下列集類

案統字公緒烏傷人三國志有傳胡宗楙曰廣輿記載統會稽人或以漢時
烏傷屬於會稽之故史既繫統於烏傷則為婺人無疑統為濡須督數陳便宜
書數十上今止存上吳王書一首言徵役煩數民戶損耗事唐志亦載駱統集
十卷是唐時尚有此書今佚

司空賀循集十八卷

晉賀循撰

案循有喪服譜已載經部隋書經籍志此書十八卷梁二十卷錄一卷
侍中孔坦集十七卷 晉孔坦撰

案坦字君平會稽人官吳興內史紹興志有傳此書載隋志卷數同惟云梁
五卷錄一卷

虞喜集十一卷

晉虞喜撰

案喜有尚書釋問一卷已載經部書類此書載紹興志今佚

虞預集十卷

晉虞預撰

案項有晉書會稽典錄已載史部所著詩賦碑誄論難復數十篇見本傳清經籍志作一卷

楊方集二卷

晉楊方撰

案方有五經鈎沈楚國先賢傳已載經史二部此書見紹興志經籍

謝沈集十卷

晉謝沈撰

案沈有毛詩注後漢書及漢武外傳已載經史各類晉書本傳傳沈有詩賦文論得於此

戴逵集九卷

晉戴逵撰

案逵字安道有中庸傳一卷已載經部中庸類此書未見

吳興太守孔嚴集十一卷

晉孔嚴撰

案嚴字彭祖會稽人奕孫官吳興太守晉書及紹興志鄉賢有傳

御史中丞孔欣時集八卷

晉孔欣時撰

案隋書經籍志有此目梁七卷紹興志經籍引之疑會稽人或寄寓者

徵士謝敷集五卷

晉謝敷撰

案敷字慶緒會稽人澄靖寡欲入太平山十餘年鎮軍郝愔召為主簿臺徵博士皆不就以月犯少微死見晉書本傳此書載隋書經籍志卷數同

鄒陽太守虞溥集二卷

晉虞溥撰

虞溥有江表傳三卷載史部此書載隋書經籍志卷數同紹興志又錄一卷
邱道護集五卷錄一卷
晉邱道護撰以下別集類

案道護為程人官至相國主簿善隸書便書素書時司馬珣之為吳興守羊
欣弟倫為臨安令欣過吳興看弟珣之乃以道護素書洽神賦亦欣咨嗟其
二以為勝已見張懷瓘書斷此集又載湖州乾隆志今佚

鈕滔集五卷錄一卷

晉鈕滔撰

案滔吳興人母氏孫瓊有文章行世滔舉孝廉官松陽令撰集五卷見隋書
經籍志今佚卷見隋書經籍志亦佚

孔琳之集九卷

宋孔琳之撰

案琳之字彥琳山陰人曾祖厚晉御史中丞祖沈丞相掾父廐光祿大夫琳
之少好文義解音律能彈碁妙善音律晉時官吏部郎入宋為御史中丞遷
禮部尚書詳南史本傳此書載隋書經籍志九卷梁十卷錄一卷

支雲沛集六卷

宋支雲沛撰

案雲沛姓康其先康居人漢獻帝末移上吳興十歲出家學不從師悟自六
發既入吳虎邱寺講禮易春秋各七編法華大品維摩各十五編善屬文有

集六卷見湖州志引梁高僧傳而隋書經籍志於此書有錄今佚

沈懷文集十二卷 宋沈懷文撰

案懷文字思明武康人官晉安王子勛征虜長史廣陵太守湖州志人物有傳此書載隋書經籍志云殘缺梁十六卷今佚又有隋王入汭記亦佚

沈林子集七卷 宋沈林子撰

案乾隆湖州志藝文傳林子所著詩賦贊三言箴祭文樂府表箋書記白事啟事論老子一百二十一首太祖後讀林子集歎息曰此人作公應繼王太保據云見沈約宋書自叙林子始武康人歟原書今佚

沈演之集十卷 宋沈演之撰

案演之字臺真武康人官國子祭酒本州大中正轉吏部尚書領太子右衛率湖志人物有傳此集載乾隆湖州志今佚

沈勃集十五卷 宋沈勃撰

案勃為演之子好為文章善彈琴能圍碁而輕薄逐利歷尚書殿中郎太宗

秦始中為太子右衛率湖志附演之傳此書載乾隆湖州志今佚隋書經籍

左長史沈勃集十五卷
梁二十卷即此人也
沈亮集七卷 宋沈亮撰

案亮字之明武康人四子嗣子官南譙王義宣司空中兵參軍湖志人物有傳乾隆湖州志又稱其所著詩賦頌讚三言諫表詞祭告請兩文樂府挽歌迷珠散記白事牋表籤議一百八十九首見宋書自叙今佚

沈璞集一卷 宋沈璞撰

案璞字道真武康人官宣威將軍討昭太守湖志人物有傳乾隆湖州志引宋書自叙稱璞所著有賦頌讚祭文誄七帛四五言詩牋表皆遇亂零失今所餘詩章雜文凡二十首今佚

文翰集十卷 宋僧慧靜撰 以下別集類

案杭志方外傳慧靜餘杭郭氏子勵志清苦顏延之款為荆山之玉

孔寧子集十一卷 宋孔寧子撰

案寧子會稽人為宋文帝鎮西諮議參軍以文義見賞帝入奉大統為黃門侍郎領步兵校尉見南史本傳此書載隋書經籍志卷數同錄十五卷

王韶之集二十四卷 宋王韶之撰

案韶之有晉安帝陽秋晉史已載史部此書據隋書經籍志已亡

賀道養集十卷 宋賀道養撰

案道養有賀子述言已列道家類此書據隋書經籍志已佚

虞願集無卷數

宋虞願撰

案願有五經論用會稽記已載經史二部本傳又傳有文翰數十篇即此集虞通之集十五卷

案通之有善陳二卷載史部此書據隋書經籍志卷數同梁二十卷

孔稚珪集十卷

齊孔稚珪撰

案稚珪有律文二十卷錄序一卷已載史部政書類隋書經籍志此書卷數同

虞羲文集九卷

齊虞羲撰

案羲字士先餘姚人咸有才藻齊竟陵王子良開西邸招文學羲以太學生與王僧孺邱國賓蕭文琰邱令楷江洪劉孝孫丘悅等善詞采游焉此書載隋書經籍志作齊前軍參軍虞羲集九卷殘缺梁十一卷

虞慶文集無卷數

梁虞慶撰

案南史虞慶會稽人工為五言名與何遜埒官至王國侍郎有文集見紹興志虞集七卷

梁虞集撰

案夫會稽人以文學與沈約俱為齊文惠太子所遇意賜殊常官至晚時將軍見南史本傳此書據隋書經籍志已佚

沈麟士集六卷

齊沈麟士撰

案麟士有易经禮記注已載經部此書見隋書經籍志今佚

姜幼瑜文集六十六卷

南齊姜幼瑜撰

案幼瑜義烏人有禮記據拾已載經部禮類此書見金華賢達及金華經籍志佚

吳均文集三卷

梁吳均撰

案晁公武郡齋讀書志云史儋均博學多才俊拔有古氣好事效之謂吳均體有集二十卷唐世搜求止得十卷今又亡其七矣舊題誤曰吳筠筠乃唐人此詩殊不類而其中有贈周興嗣柳貞陽輩詩固已知其非筠又有蕭子雲贈吳乾請則知為均也無疑矣蕭子雲詩人蕭子顯朱異吳均王僧孺詩各一附顏之推譏均集中有破鏡賦今亦亡均有齊春秋已載史部與此集俱佚

邱遲集十卷

梁邱遲撰

案遲字希範烏程人父靈鞠有才名仕齊王太中大夫遲八歲便屬文天監之年曾為永嘉太守轉中書郎遷司徒從事中郎南史梁書有傳此書見唐書藝文志今佚

沈君攸集十三卷

梁沈君攸撰

案君攸一作君游吳興人祖僧叟左氏尚書父巡東陽太守君游博學有詞
采位至散騎常侍有文集十卷見洲志本傳及隋書經籍志今佚

沈滿願集三卷 梁范靖妻撰

案湖志列女傳滿願梁征西記室范靖妻能詩嘗偕靖坐後園觀洒翠池又
上沈心亭共索筆硯為映水曲滿願先成靖奇之傳有五彩竹大龍詩步搖
花詩著有集三卷見隋書經籍志

沈炯後集十三卷 陳沈炯撰

案炯字初明武康人官通直散騎常侍南史有傳此書見隋書經籍志今佚
沈不害文集十四卷 陳沈不害撰

案不害字孝和武康人太建中官先祿卿通直散騎常侍兼尚書大丞南史
儒林本傳傳所著有五禮儀一百卷文集十四卷今佚

詩賦雜著百餘篇 梁范述曾撰

案述曾見上經部易類此書載梁書南史及咸淳臨安志

杜之偉集十二卷 陳杜之偉撰

案咸淳臨安志之偉字子大錢塘人官大匠卿遷太中大夫為文不高浮華
而溫雅博瞻文集存者十七卷杭志據隋書經籍志作十二卷

顧越集二卷

陳顧越撰

顧覽集五卷

隋顧覽撰

案覽字無考為越子仕隋為秘書丞唐書藝文志作監官人此書見海寧州志疑佚

滕珣集無卷數

唐滕珣撰

案珣東陽人登建中元年進士第歷官禮部侍郎以太子右庶子致仕有集見唐書藝文志佚胡宗琳曰唐志注傳卷亡又傳四品給券遂鄉自珣始蘭溪志作蘭溪人於經籍載梅窓集十八卷滕珣撰東陽志謂洪志舊載東陽蘇文忠滕甫墓志銘自珣至甫歷數十一世皆顯官珣為東陽人正不誣蘭溪西安寺碑後注唐右庶子致仕滕白父不必定是滕珣云按白樂天贈珣詩身著紫衣兒戲繡東陽門外數滕家珣為東陽人固可信至謂西安寺碑後注滕白非滕珣則近武斷碑傳唐右庶子致仕必非別有一人珣白字體相近殆傳寫之誤或珣先為東陽人致仕居蘭溪其後裔復歸東陽歟

蘭溪志傳卷無卷數

唐滕珣撰

案蘭溪志傳珣嘗慕陶元亮之所為一日集僚友會飲當席索僚友賦詩持

贈袁韓成冊名思陶佳趣詩卷時直承明殿大學士新安何安國為序賦詩者舒元與同郡馮定約十餘人並見詩卷中

馮宿集四十卷

唐馮宿撰

案宿字拱之東陽人貞元壬申進士官終東川節度使此書唐書藝文志作四十卷宋史藝文志作十卷藝志粹編大馮君集千餘年未有志其存亡者至海唐太清宮鐘銘亦止存目不載其文似王深寧未之見也聞尚書王鴻緒家有之云云

舒元與集一卷

唐舒元與撰

案元與字升遠東陽人元和間進士官中書門下平章事唐書有傳此書據舊通志引唐書藝文志今佚杭世駿序南畝風雅以為居澱水之上澱江今隸南溪不得以史而疑之今不備錄

馮涓集十二卷

唐馮涓撰

案涓字信之東陽人大中庚午進士仕至翰林學士見藝志粹先氏志全華經籍志涓涓為宿之孫其詩采入唐音戊籤者二首全唐詩三首原集今佚虞世南集三十卷

唐虞世南撰

案州南有北堂書鈔已載子部類書類此集見紹興志傳引唐書藝文志

孔紹安集五十卷 唐孔紹安撰

案紹安會稽人與子陳亡入隋高祖詔撰梁史未成卒有文集五卷見紹興志文苑傳籍籍門又稱其集五十卷載唐書藝文志疑誤

賀德仁集二十卷 唐賀德仁撰

案德仁山陰人與從兄德基皆以文詞稱時人語曰學得可師賀德基文質彬彬賀德仁武德中除舍人從洗馬為東宮學士有集二十卷見唐志

秦系詩一卷 唐秦系撰

案系字公緒有老子注已載子部道家類此書據紹興志引唐書藝文志

朱慶餘集一卷 唐朱慶餘撰

案慶餘字可久越州人咸歷二年進士此書見紹興志謂直齋書錄著錄誤

嚴維集一卷 唐嚴維撰

案紹興志文苑維字正文山陰人為秘書郎大歷中與鄭棨裴冕徐凝王綢等宴其園宅聯句賦詩世傳浙東偶和維有詩一卷及朱放釋靈澈詩集皆

藏秘府

唐吳融詩三卷 唐吳融撰

案四庫提要云融字子華山陰人龍紀元年進士昭宗時官翰林學士承旨

戶部侍郎知制誥事具新唐書文藝傳融與韓偓同為翰林學士故僅有與融玉堂同直詩然僅以文士折進党之凶鋒純忠亮節萬非融所能及以文章論之融詩音節諸雅較偓稍勝在天祐諸詩人中間遠不及司空圖沈摯不及羅隱毓富不及皮日休奇不及周樸其餘作者實罕與雁行唐書本傳傳昭宗反正融作十許詔意評語當唐詩紀事又傳李巨川為韓建作謝表以示融融立成一篇巨川賞歎不已在當時亦鐵中錚錚矣

僧神邕集十卷

唐僧神邕撰

案神邕有破倒翻迷論已載釋家類此書據紹興志引宋高僧傳皇甫常為序

僧靈澈詩一卷

唐僧靈澈撰

案靈澈有律宗引源二十卷已載釋家類此書據紹興志有劉禹錫序刻錄作十卷輿地紀勝作二十七卷俞志作三十卷今四庫提要亦作一卷為唐四僧詩合訂本

僧栖白詩一卷

唐僧栖白撰

案紹興志引全唐詩及宋史藝文志栖白越中僧此書未見

僧清江詩一卷

唐僧清江撰

案紹興志經籍引金唐詩清江會稽僧此書未見
諸導文二十餘卷詩賦碑集三十餘卷 唐僧真觀撰

案真觀字聖達錢塘范氏子生有奇相出家通經律論開皇十五年於靈隱
山頭陀石室宴坐冠建南天竺寺清居焉是為開山始祖常講法華以為心
要大業中因山行自標昇地塔在東岡見杭志方外傳此書載杭志藝文

褚亮集二十卷 唐褚亮撰

案亮字希明錢塘人幼聰敏好學善屬文博覽無所不至官散騎常侍封陽
翟縣男卒年八十八杭志名臣有傳此書有杭州丁氏武林往哲遺書本存
褚遂良集二十卷 唐褚遂良撰

案遂良字登善亮子官右僕射武后主貶愛州刺史此書有武林往哲遺書
駱賓王集十卷 唐駱賓王撰

案賓王號觀光義為人官臨海丞唐書文苑有傳據胡宗琳說此集刻本最
繁一北宋蜀刊本有都雲卿序一元刊本冠以本傳無序一明靖元刊本一
清秦氏仿宋蜀本並十卷名駱賓王文集一二卷本有賦詩二文一孫公素
校本不分卷亦有賦詩無文一明張炳祥刊小字本六卷一萬曆虞更生等
訂本六卷名唐駱先生文集一萬曆陳魁士注本四卷名駱子集注一萬曆